

Powšitkowne WOZJEWJENJA

njedźelu, 16. awgusta 2026

Nabožne wusyłanja w serbskim rozhłosu

Katolske nabožne wusyłanje w Serbskim rozhłosu MDR ma tutu njedźelu, 16. awgusta, Budyski tachantski farar, kanonik Wito Śćapan. Wotkaz na nabožne wusyłanje w media-tece MDR je pod www.posol.de podaty, zdobom chowa so za QR-codom.

Ekumeniski nyšpor w klóštrje

Křesćansko-socialny kubłanski skutk z.t. přepróšuje zhromadnje z klóštrom Marijinej hwězdu na zelowu njedźelu do Zežiwjenskeje a zeloweje zahrody w Pančicach-Kukowje. Na hosći čaka tutu njedźelu, 16. awgusta, wot 13.00 hodź. pisany program, mjez druhim z Wudworskim folklornym ansamblom, tež zelowe a regionalne wiki tam přewjedu. Zakónčacy ekumeniski nyšpor z Budyskimaj duchownymaj – tachantskim fararjom, kanonikom Witom Śćapanom, a superintendentom Tilmannom Poppom – budže w 17.00 hodź.

Lětni koncert Meje

Chór Meja přepróšuje na swój lětni koncert, kotryž budže njedźelu, 30. awgusta, w 16.00 hodź. na farskej zahrodze w Radworju. Swačinu poskića hižo wot 15.30 hodź. Džěci rejwarskeje skupiny „Łužičanka“ program sobu wobrubja.

Swójbne popołdnjo TCM we Wotrowje

Sekcija Swójba Towarstwa Cyrila a Metoda z.t. přepróšuje swójby na zabawne popołdnjo, kotrež wotměje so njedźelu, 13. septembra, we Wotrowje. Spočatk budže w 15.00 hodź. při Starej šuli. Po wsy powjedže Měrko Pohonč. Džěci móža sej při kwisu najwšelakoriše myta zdobyć. Po wodženju su wšitcy na swačinu na farje prošeni.

Spominaja na dirigenta Achima Brankačka

Składnostnje stotych posmjertnych narodnin Achima Brankačka wopominaja Mejenjo pjatk, 21. awgusta, swojeho dołholětneho dirigenta. Z teje přičiny su jeho mjeno na wopomnjensku taflu zaprijeli. Ta ma so tón dzeń w 17.00 hodź. w Starej cyrkwičke na Radworskej nawsy znova poswiećić, na což su wšitcy zajimowani přepróšeni.

Slěborny biskopski jubilej w Drježdźanach

Drježdźansko-Mišnjanski biskop Heinrich Timmerevers swjeći sobotu, 5. septembra, slěborny jubilej swojeje biskopskeje swjećizny. Swjedženske kemše su w 10.30 hodź. w Drježdźanskej katedrali. Na nje su wšitcy přepróšeni.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdžělić, móža so hač do pónđzele, 31. awgusta, online přizjewić. To je na internetowej stronje www.posol.de kaž tež přez tule podaty QR-code móžno. Tam su tež nadrobne informacije podate.



Dekanatna młodźina na wulět přeprošena

Serbska dekanatna młodźina je tež lětsa na zhromadny wulět prošena, kotryž budže njedźelu, 13. septembra. Přeprošeni su tohorunja młodostni wot přichodneho 9. lětnika. Planowane je z busom do Sprjewjow (Sprey) pola Hamora jěć, hdžež budže zhromadny nyšpor. Přizamknje so čolmikowanje z Čelna do Noweho Města nad Sprjewju. Tam wulět z grilowanjom wuklinči. Wotjězd busow budže w 12.00 hodź., mjez druhim z Kulowa kaž tež z Chrósćic a potom wotpowědnje přizjewjenjam po wsach. Młodostni nawróća so wokoło 19.30 hodź. Přinošk wučinja na wobdźělnika 25,00 euro, člonajo serbskeho dekanatneho kružka kaž tež wobsedźerjo karty JULEICA płaća pjeć euro. Zajimcy měli so hač do pónđzele, 24. awgusta, online přizjewić. Link je pod www.posol.de wozjewjeny.



Ekumeniski dworowy swjedzeń w Hrubjelčicach

Serbske ewangelske towarstwo a Maćijec swójba přeprošujetej na pućowanje a serbski swjedzeń sobotu, 22. awgusta. Započatk je w 14.00 hodź. na Jaworkec/Maćijec dworje w Hrubjelčicach, Čěchorječanska 16 z pućowanjom do wokoliny. Po tym budže kofej na dworje. W 17.00 hodź. sčěhuje serbska ekumeniska nutrnosť z tachantskim fararjom Witom Sćapanom a superintendentom Krystofom Rummelom. Wot 18.00 hodź. zahraje Drježdžanska kapala Podka, k tomu budže bifej přihotowany. Štóz chce k tomu přinošować, njech něšto sobu přinjese. Při sylnym dešču zahaji so popołdnjo w 17.00 hodź. z nutrnosťu w bróžni Jaworkec/Maćijec statoka.

„Serbskej nocy“ w Smochćicach

Budyski Serbski ludowy ansambl (SLA) a Smochčanske kubłanišćo swjateho Bena přeprošujetej tež lětsa na hudźbny swjedzeń na dworje kubłanišća. Pjatk a sobotu, 21. a 22. awgusta, wotmějetej so tam přěni raz „Serbskej nocy“. Započatk je stajnje w 20.00 hodź. W programje předstaja znate, ale tež pozabyte twórby z nimale 75 lět stawiznow SLA. Mjez nimi budu dotal na jewišću drje hišće njepřednjesena kompozicija Jana Rawpoweho „Kokota“ kaž tež džěla nimale njeznateho serbskeho komponista Dietera Nowki (1924–1998), kiž je w Choćebuzu skutkował. Nimo hudźbnego programa změje Smochčanski dom tež kulinariski poskitk regionalneje kuchnje. Zastupny lisćik za hudźbny swjedzeń móža sej zajimcy mjez druhim online kupić. Link je pod www.posol.de wozjewjeny.

Wo přichodže renty

Wjacore katolske akademije wuchodnych biskopstwow poskićeja onlinowu diskusiju socialnje wuwáženy přichod renty nastupajo. Diskutować budžetaj wutoru, 25. awgusta, we 18.00 hodź. mjez druhim prezidentka zwjazka Carity Eva Maria Welskop-Deffaa a zapóslanc Europskeho parlamenta Oliver Schenk. Wjace pod www.posol.de.